

Statuts
da la Società
da musica
instrumentala
Aurora
Sta.Maria -Valchava

Cuntgnü:	pagina
1 Nom, Scopo	
1.2 fundaziun	3
1.3 scopo	3
1.4 actività	3
1.5 neutralità	3
2 Commembers	
2.1 cumposiziun	3
2.2 commembers activs	3
2.3 commembers d'onur	4
2.4 commembers veterans	4
2.5 commembers passivs	4
2.6 entrada commembers activs	4
2.7 taxa dals commembers activs	4
2.8 sortidas	4
2.9 congedi	4
3.0 on da musica	4
3.1 onurificaziuns	5
3.2 inventari persunal	5
3.3 reparaturas	5
4 Organs	
4.1 organs	5
5 Radunanza generala	
5.1 radunanza generala	5
5.2 tractandas	5
5.3 radunanza extraordinaria	6
6 La suprastanza	
6.1. suprastanza	6
6.2 import simbolic	6
6.3 Il president	6
6.4 l'actuar	6
6.5 Il chaschier	7
6.6 Il chef da material	7
6.7 Il binderal	7
6.8 Il dirigent, vice-dirigent	7
7 Disposiziuns finalas	
7.1 affars urgaints	7
7.2 dovair da sunar	7
7.3 schoglimaint	7
7.4 respunsabilità facultà	8
7.5 revisiun statuts	8
7.6 deposit documaints	8

1 Nom e scopo

1.1 Quists statuts as basan al CCS (Cudesch Civil Svizzer) art. 60 e suottastan als statuts chantunals.

1.2 Tenor veglia documainta exista la Società da musica Aurora daspö il 1928.

fundaziun

La musica Aurora es commembra da las seguintas societats:

- Uniun chantunala da musica dal Grischun
- Uniun Svizra da musica

1.3 La società da musica Aurora ha per scopo da cultivar e promouwer la musica instrumentala, da promouwer l'interess da la giuventüna invers la musica, da cultivar l'amicizia tanter ils commembers, d'imbellir festas popularas, da mantgnair ed inrichir la cultura da noss cumüns.

scopo

1.4 La società realisescha seis scopo cun:

- Prouvas da musica
- Fin d'eivnas da prova
- Produenziuns sco: concerts, sairadas, partecipaziuns a festas localas, districtualas, chantunalas e federalas

attività

1.5 La società es neutrala in regard lingua, politica e religiun.

neutralità

2 Commembers

2.1 La società exista our da:

- Commembers activs
- Commembers d'onur
- Commembers veterans
- Commembers passivs

cumposiziun

2.2 Commember activ po dvanter mincha persuna chi ha sufficiainta cugnuschentscha musicala e chi s'interessa seriusamaing per la musica instrumentala. El/la vuol cultivar la cumünanza tanter ils commembers, sco eir sustgnair e promouwer la cultura in cumün.

commembers
activs

Mincha commember activ es in dovair (oblià) da frequentar diligiaintamaing, punctualmaing e cun disciplina las prouvas e produenziuns.

dovair

Es ün commember impedi da frequentar ün exercizi o üna producziun, as sto el/la s-chüsar pro'l dirigent.	s-chüsa
Commembers chi nu stan als uordens da la società vegnan la prüma jada admonits tras la suprastanza. As repeta quist cas, vegn il cas miss avant a la società e decis scha'l commember vegn exclus da la tala. El/la vegn infuormà per scrit.	exclusiun
Mincha commember activ ha il dret da vusch sur da quists statuts.	dret da vusch
2.3 Commembers d'onur Sün proposta da la suprastanza o da la radunanza generala pon gnir nomnats commembers onuraris: Persunas chi s'han acquistadas merits specials per nossa società o per la musica in general. Els giodan entrada libra pro mincha producziun da nossa società.	commembers d'onur
2.4 Commembers veterans as dvainta tenor ledscha chantunala e federala.	commembers veterans
2.5 Commember passiv da la musica Aurora po dvantar minchün chi ha plaschair vi da la società e tschercha cun ella contact amical. El es oblià da pajar la contribuziun annuala.	commembers passivs
2.6 Sur da l'entrada da commembers nouvs decida la radunanza generala.	entrada commembers activs
2.7 Mincha commember es oblià da pajar üna taxa annuala chi vegn fixada pro mincha radunanza generala.	taxa dals commembers activs
2.8 Sortidas da commembers activs ston gnir inoltradas in scrit al president il plü tard fin al di da la radunanza generala. Quel chi sorta da la società es in dovair da remetter infra 1 mais seis inventar in fich bun uorden e net al chef da material. Sortidas da supstants/tas ston gnir inoltradas in scrit al president fin il plü tard 30 dis avant la radunanza generala.	sortidas
2.9 Sur da congedi decida la suprastanza da cas a cas.	congedi
3.0 L'on da musica cumainza cun la radunanza generala.	on da musica

3.1 Commembers chi frequentan diligiaintamaing las prouvas e las producciuns vegnan onurats tras la suprastanza a la radunanza generala. Prüms trais rangs. onurificaziuns

3.2 Mincha musicant survain ün exemplar dals statuts, ün pass da musica, ün'unifuorma ed ün instrumaint ad impraist da la società. Ingün nu das-cha douvrrar quella roba per oters scopos sainza permiss da la suprastanza. Minchün es sves respunsabel per dons causats vi da seis inventari. Annualmaing vegn fat üna controlla tras il chef da material. inventari personal

3.3 Reparaturas das-chan be gnir ordinadas da la Suprastanza. reparaturas

4 Organs

4.1 Ils organs da la società da musica Aurora sun: organs

- La radunanza generala
- La radunanza extraordinaria
- La suprastanza
- La cumischiun sindicatoria
- Las prouvas cun radunanza

5. La radunanza generala

5.1 La radunanza generala dess avoir lö per regla üna jada l'on d'ürant l'utuon. In quista radunanza po mincha commember s'obliar da restar aint illa società per ün nouv on, obain as decider da sortir da quella. L'invid per la radunanza generala sto esser pro mincha commember almain 14 dis avant la radunanza generala. Objecziuns invers la glista da tractandas han da gnir inoltradas fin almain 10 dis avant la radunanza generala in scrit a la suprastanza. radunanza generala

5.2 A la radunanza generala suottastan ils seguaints affars chi ston eir figürar sülla bannida:

- Avertüra
- Elecziun da scrutinadurs
- Prelecziun ed approvaziun dal protocol
- Rapport annual dal president, dirigent, (vice-dirigent) e chef da material tractandas
- Approvaziun dal quint da gestiun e rapport dals revisurs da quint

- Program da l'on
- Commembers nouvs, desdittas ed onurificaziuns
- Elecziuns o reelecziuns da la suprastanza, dal dirigent, dal vice-dirigent, da duos revisurs da quint e dal binderal
- Fixar contribuziuns e fits
- Varia

5.3 La suprastanza es cumpetenta da clomar aint üna radunanza extraordinaria e quai be cun motivaziun sufficiainta. **radunanza extraordinaria**

5.4 La radunanza generala po be decider sur dad affars chi sun stats preponderats da la suprastanza e chi figüran sülla glista da tractandas. **dret da decider**

5.5 Elecziuns e votaziuns vegnan fattas avertas scha la radunanza nu decida oter. **elecziuns votaziuns**

5.6 Mincha commember activ ha il dret da vuschar. **dret da vuschar**

6 La suprastanza

6.1 Il president/a
L'actuar/a
Il chaschier/a
Il chef da material
Il dirigent/a **suprastanza**

La suprastanza vegn eletta per üna dürada da duos ons ed es adüna reelegibla. **suprastanza**

La suprastanza po disponer sur d'ün import da 500 fr. per jada. **suprastanza**

6.2 L'import simbolic per la lavur dals suprastants vegn decis pro la radunanza generala. **import simbolic**

6.3 Il president
Il president survaglia tuot ils affars da la suprastanza e l'elecziun da las incumbenzas. El es responsabel per la correspondenza. El bannischa e presidescha las sedutas e radunanzas. Il president porta davo ils müdamaints da commembers pro'l SBV. **il president**

6.4 L'actuar
L'actuar maina ils protocols da las radunanzas sco eir da decisiuns trattas d'ürant las prouvas. L'actuar es eir **l'actuar**

responsabel per la controlla dals commembers e maina eir la controlla da preschentscha da prouvas e produenziuns. L'actuar es in dovair da dar giò rapport annual a la SUIA.

6.5 Il chaschier

Il chaschier administrescha la chascha e renda quint annualmaing o sün giavüsch da la società. El maina la controlla da commembers passivs ed inchascha la contribuziun annuala.

il chaschier

6.6 Il chef da material

Il chef da material maina register da tuot l'inventar e pissera cha quel resta in bun uorden. El orientescha a la radunanza generala dal stadi dal inventar.

chef da material

6.7 Il binderal

Il binderal vegn elet per üna dürada da duos ons ed es adüna reelegibel. Pro produenziuns es el in dovair d'accompagnar la musica culla bindera.

il binderal

6.8 Il dirigent

Il dirigent ha l'incumbenza d'exercitar e diriger la musica pro prouvas e produenziuns. El es eir competent da müdar vuschs tenor bsögn. Il dirigent da giò rapport a la radunanza generala. Per sia prestaziun vegn el indemnisa cun ün import fixà da la radunanza generala. Il vice-dirigent til sustegna e'l rimplazza tenor cunvegna. Il dirigent tscherna ils tocs per la produenziuns ed infuorma sur da quists a la suprastanza. Per surtour quista lavur esa pussibel da fundar üna cumischiun da musica.

il dirigent
Il vice-dirigent

7 Disposiziuns finalas

7.1 Affars urgients ed actuals da la società pon gnir decis sainza bannida in mincha prouva ordinaria da musica.

affars urgients

7.2 La società da musica Aurora s'ha miss per lezcha da sunar sün giavüsch:

- Pro nozzas d'ün commember activ
- Pro funerals da commembers activs
- Pro funerals da commembers veterans
E d'onur vegn portà la bindera e sunà
- Sün giavüsch pro anniversaris da 80 ons e davo mincha 5 ons
- Pro occurrenzias politicas

dovair da sunar

7.3 La società po gnir scholta scha almain 2/3 dals commembers activs dumondan quai. Pro ün

schoglimaint

schoglimaint da la società va la facultà in deposit
pro l'administrasiun cumünala e resta a disposiziun
per ün'eventuala fundaziun d'üna nouva società da
musica cun istessas miras.

- | | |
|---|---------------------------|
| 7.4 Per debits da la società sta bun be la facultà da la
società. Ils singuls commembers nu pon gnir fats
respunsabels. | respunsabilità
facultà |
| 7.5 Quists status pon gnir revis total o parzialmaing. Scha
la pluralità dals musicants preschaints pretendan quai.
Üna revisiun sto gnir bannida per temp e sto avoir
l'approvaziun da 2/3 dals commembers preschaints. | revisiun
statuts |
| 7.6 La documentaziun da la società da musica Aurora vegn
deponada aint il archiv cumünal. | deponaziun
documaints |
| 7.7 Quists statuts rimplazzan quels da l'on 1971 ed aintran
in vigur tras la radunanza generala dals 25 Settember 2020 | |

il President

l'actuara

Martin Bott.

Samanta Platzgummer

